

Ударн кӧдлмшин аш

Олна малд хойр джилд элвг кӱрх хот белдхмн гисн приозернӕхнӕ дуудвриг Приютненск района кӱч-кӧлсчнр унн седклӕрн дӧннӕд, ӧвс хаддж хуралгъна кӧдлмшт оньган икӕр ӧгч, социалистическ дӧрлдӕг ӧргӕр делгрӱлв.

Тегӕд чин, майин 15-с авн 25 кӱртл малчн хот белдлгънд сӕн аш бӕрсндӕн, КПСС-н Халъмг тангъчнн комитетин бюрон болн тангъчнн Советин кӱцӕгч комитетин шиидврӕр, эн район КПСС-н тангъчнн комитетин болн тангъчнн кӱцӕгч комитетин дамджлж ӧггдг Улан туг авӧ.

Нуурт йовх района кӱч-кӧлсчнр эн кӱндтӕ сӕн нерӕн алдшгон тӧлӕд, улм ӧргӕр социалистическ дӧрлдӕг делгрӱлдж, ӧвсн шимтӕ деер, чнринь буурулл уга кевтнь хурахар шунджацхана.

Эн дӧрлдӕнд Кировин нертӕ колхозин колхозникуд тӱрӱн орм эзлв. Эдн, майин 30-с авн июнин 5 хоорндк ӧдрмудиг ударн гидж зарлв. Тегӕд, тӱрӱн ӧдр ӧвс хаддж хуралгънд 80 тергн, 20 машин болн нань чигн зер-зев орлцулгдв.

Ӧвс хадлгънд кӧдлдж йовсн улсас нань, ударн ӧдрмуд

тӧгстл эн кӧдлмшт хӧбчнр, шофермуд, тоочнр, укрчнр болн герин эзн кӱукуд улс орлцджана.

Эн колхозин колхозникуд ӧр болгън 1300 гектар газрт ӧвс хаддж, июнин 5 кӱртл 13100 гектар газрин ӧвс хурах болв.

Эднӕс улгӱр авад, района эдл-ахусин кӱч-кӧлсчнр 6 хонгин дунд 25 мингъгн гектар газрт ӧвс хадад, 37 мингъгн гектарас ӧвсинь хурахмн гидж шиидв.

Ӧвс хадлгънд Кировин нертӕ колхозас—Акурданов, Кравченко, „Дружба“ колхозас—Чесноков, Сокиркин, 107-ч совхозас—Прокопенко, Кравченко 4-ч совхозас—Кобыляцкий, Агафонов эднӕ агрегатс ӧдриннь зураг дангъгин 2-3 холванлнь кӱцӕнӕ.

Болв, эн районд ӧвс хадлгъна кӧдлмш чангъград йовсн бийнь, зӕрм эдл-ахусар хадлгън, ковнъллгън, хуралгън хоорнд ик заг бӕӕнӕ. Эн-уӕн ӧбрхн ӧдрмудин дунд ясрулдж, малдан хойр джилд элвг кӱрхӕр ӧвс белдх даалгъвран кӱцӕхӕр приютнӕхн улм гӱджрдж кӧдлажӕцхӕнӕ.

Д. САНГАДЖИЕВ.